

Na osnovu člana 70. Zakona o zaštiti kulturne baštine ("Službene novine Kantona Sarajevo", broj 2/00) i čl. 6. i 26. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01), Vlada Kantona Sarajevo, na svojoj 98. sjednici, održanoj 13. juna 2002. godine, donijela je

PRAVILNIK

O NAGRAĐIVANJU NALAZAČA DOBRA BAŠTINE

Član 1.

Ovim pravilnikom uređuje se postupak nagrađivanja i visina nagrade koja pripada nalazaču stvari koja se može smatrati novim dobrom baštine a pronađena je na području Kantona Sarajevo.

Član 2.

Nalazač stvari iz prethodnog člana dužan je da o pronalasku obavijesti službu Općine nadležnu za društvene djelatnosti na čijem području je stvar pronađena ili muzej Sarajeva, odnosno Zavod za zaštitu kulturne baštine u Sarajevu (u daljem tekstu: organizacije za zaštitu).

Član 3.

Nadležna općinska služba će odmah stupiti u vezu sa organizacijama za zaštitu dobara baštine iz prethodnog člana radi prethodnog pregleda pronađene stvari i lokaliteta na kojem je stvar pronađena.

Na prijedlog stručnog lica odgovarajuće struke može se odrediti da se provede stručna ekspertiza pronađene stvari ukoliko se procijeni da je riječ o potencijalnom dobru baštine.

Ukoliko stručna lica organizacije za zaštitu po pregledu predmeta daju stručno mišljenje da se ne radi o dobru kulturne baštine, stručna ekspertiza može se provesti samo na trošak nalazača, ukoliko on postavi takav zahtjev.

Član 4.

Ukoliko se po postupku određenim zakonom i posebnim pravilnikom potvrdi osnovanom sumnja da je pronađena stvar dobro kulturne baštine odgovarajuće kategorije, nalazaču pripada nagrada u visini koja odgovara tržišnoj vrijednosti materijala od kojeg je dobro baštine, uvećanoj za:

- a) 3.000 KM za dobro kulturne baštine I kategorije;
- b) 2.000 KM za dobro kulturne baštine II kategorije;
- c) 1.000 KM za dobro kulturne baštine III kategorije.

Nagrada iz prethodnog stava isplatit će se u roku od 30 dana od dana proglašenja dobra baštine zaštićenim dobrom određene kategorije iz sredstava budžeta Kantona Sarajevo.

Član 5.

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-11618-7/02
13. juna 2002. godine
Sarajevo

Premijer
Nermin Pećanac, s. r.